

2.7 UITREIK VAN AMPTELIKE FAKTURE

Beleidnr: 040A/25/03/09

Bestek: Die beleid verskaf die reëls en regulasies van die US ten opsigte van die uitreik van debiteursfakture en die inkomsterekening wat gebruik moet word wanneer 'n faktuur uitgereik word.

Beleid:

ALGEMEEN

- Alle buitewerk wat deur departemente gelewer word, moet via die debiteurstelsel gefaktureer word.
- Departemente skep hul eie fakture m.b.v. program FDB030P. 'n Faktuur wat geskep word vir 'n debiteur wat meer as 90 dae uitstaande is met 'n betaling, sal deur die stelsel geweier word. Kontak die Debiteure afdeling vir die nodige aanpassing en/ of regstelling.
- Die betrokke departement wie se debiteur(e) uitstaande skuld van meer as 90 dae het, is verantwoordelik vir die opvolg van die betrokke debiteur(e), aangesien ander departemente hierdeur beïnvloed word.
- Alle betalings ontvang, moet of na die Debiteure afdeling verwys word, of direk inbetaal word by die kassiere op die betrokke debiteurskode. Betalings ten opsigte van fakture mag nooit op 'n departementele kostepuntrekening (begrotingskostepunt) inbetaal word nie.
- Versoeke vir kredietnotas moet aan die Debiteure afdeling gestuur word. Hierdie versoeke met volledige motivering en bewyse moet deur die afdelings- of departementshoof goedgekeur word.
- 'n Projekopdrag wat oor 'n termyn in fases afgehandel word, mag nie vooruit gefaktureer word nie. Fakture moet geskep word na gelang 'n fase afgehandel is.
- Enige skenking aan die Universiteit Stellenbosch wat kwalifiseer vir 'n Artikel 18(A) skenkingskwitansie, mag nie per faktuur aangevra word nie. Die prosedure onder punt 10, Skenkings en Skenkingskwitansies moet gevolg word.

Die volgende debiteure programme is beskikbaar:

FDB030P	-	Skep van fakture
FDB050P	-	Faktuur navrae
FDB060P	-	Debietnota navrae
FDB070P	-	Kredietnota navrae
FDB120P	-	Staatnavrae
FDB095P	-	Navraag - Debiteur status
FDB125P	-	Globale navraag

SKEP VAN FAKTURE

Alle buitewerk, navorsing, konsultasie en goedere wat deur departemente gelewer word, moet gefaktureer word via die debiteurstelsel. Alle fakture wat uitgereik word, moet goedgekeur word deur die persoon teen wie se kostepunt die faktuur uitgereik word of die departementshoof/dissipline hoof/uitvoerende hoof. Die persoon wat die faktuur uitreik moet die korrekte inkomsterekening gebruik. Indien daar enige twyfel is moet Finansiële Dienste gekontak word.

Geen fakture mag op Universiteit Stellenbosch briefhoofde of met rekenaarprogramme geskep word nie. Die debiteurstelsel moet ten alle tye gebruik word om fakture te skep.

Die volgende inkomsterekening word gebruik tydens die laai van binnelandse fakture:

- 5388 - Inkomste borgskappe: Borgskappe word teen hierdie inkomsterekening inbetaal. BTW word gehef.
- 5413 - Opdragnavorsing: Fondse verkry vir kontraknavorsing word teen hierdie inkomsterekening inbetaal. BTW word gehef.
- 5415 - Verkope nulkoers: Fondse verkry uit die verkoop van vrygestelde produkte (meestal landbouprodukte) word teen hierdie inkomsterekening inbetaal. Geen BTW word gehef nie.
- 5597 - Diverse inkomste (Belasbaar): Fondse verkry vir dienste gelewer, goedere gelewer, navorsing en enige ander belasbare lewerings gedoen, word teen die inkomsterekening inbetaal, uitgesonder betalings vanaf die NNS, WNK, ander statutêre rade en inkomste wat spesifiek tuishoort onder een van die genoemde inkomsterekeninge. BTW word gehef.
- 5267 - Departement Waterwese en Bosbou: Fondse ontvang vanaf die Departement Waterwese en Bosbou word teen die inkomsterekening inbetaal. BTW word gehef.
- 5270 - DACTS inkomste: Fondse ontvang vanaf DACTS word teen die inkomsterekening inbetaal
- 5307 - Waternavorsingskommissie: Fondse ontvang vanaf die Waternavorsingskommissie word teen die inkomsterekening inbetaal. BTW word gehef.
- 5387 - Inkomste Beurse: Fondse ontvang vir die uitbetaling van beurse. Geen BTW word gehef nie.
- 5777 - Inkomste ontvang vir die bywoning van opvoedkundige kursusse, seminare of kongresse. Geen BTW word gehef nie.

Die volgende inkomsterekening word gebruik tydens die laai van buitelandse fakture:

- 5777 - Inkomste ontvang vir die bywoning van opvoedkundige kursusse, seminare of kongresse.
-
- 5387 - Inkomste Beurse: Fondse ontvang vir die uitbetaling van beurse.
-
- 5598 - Inkomste Buitelands Nulkoers: Fondse verkry vir dienste gelewer, goedere gelewer en enige ander belasbare lewerings gedoen word teen die inkomsterekening inbetaal.
-
- 5592 – Inkomste Buitelands Vrygestel: Inkomste ontvang van die buiteland vir die maak van nie-belasbare lewerings, uitgesluit inkomste wat tuishoort onder 5777,5387 of 5373 (skenkings).

Let wel geen BTW word gehef op enige inkomste vanaf die buiteland nie.

Geen fakture mag teen die inkomsterekening 5596 gelaai word, sonder vooraf toestemming deur Finansiële Dienste nie.

Kontak afdeling:

Debiteure